

貞治
板

禪林類聚

九

禪林類聚卷第九

應龍禪寺住持嗣祖比丘道泰天寧禪寺首座比丘智境住持

姓名

頭首

知事

莊務

侍者

法屬

尼女

行童

姓名

二十七祖般若多羅尊者為童子時路行次或人問汝行何急祖云汝行何慢又問汝姓甚麼祖云與汝同姓或九或聖人莫能測

芭蕉徹云匹上不足匹下有餘也

泗洲大聖或問師何姓師云姓何或云何國人師云何國人



柏巖哲禪師因洞山與密師伯到師問二上座甚麼處來
洞云湖南師云觀察使姓甚麼云不得姓師云名甚麼云
不得名師云還理事也無云自有廊幕在師云還出入不
云不出入師云豈不出入洞拂袖出去師明日侵晨入堂
召二上座近前師云昨日問上座話不稱老僧意一夜不
安今請上座別一轉語若恹老僧意便開粥相伴過夏洞
云却請和尚問師云豈不出入洞云太尊貴在師乃開粥
同過夏戒藥山下
天童覺云主張門戶自有傍來拱默威嚴誰敢正視借
功施設轉位提持全成左右分權不犯尊貴一路還知
尊貴處麼寶殿無人不侍立不種梧桐免鳳來
丹霞淳頌云燭香人靜杳無聲苔滿丹堦皓月明入戶

當堂慵正坐出門猶懶下階行

天台拾得一日掃地次寺主問汝名拾得因言三拾得汝
歸汝畢竟名甚麼姓甚麼拾得放下掃帚叉手而立主再
問拾得拈掃帚掃地而去寒山槌曾云蒼天蒼天拾得云
作甚麼山云不見道東家人死西家人助哀二人作舞笑
哭而去

南泉願禪師因陸巨大夫問師姓甚麼師云姓王陸云還
有眷屬也無師云四臣不昧陸云王位居何師云王殿否
生
茱萸禪師有僧來參師以手一劃僧便出去師云這箇師
僧來不通名去不道姓僧便轉來以手一劃師云這僧名
又不識姓又不識云且道某甲姓箇甚麼師云是或波斯

侍者相弄便恁麼放過好痛與三十棒不到子孫斷絕
祇為家貧憐子苦富貴小兒嬌而今休也是道當時三
平還得侍者姓麼自古上賢猶不識從來共住一知名
拍禪牀一下

虔州微禪師問仰山名甚麼云慧寂師云那箇是意那箇
是寂云只在目前師云猶有前後在云前後且置和尚見
甚麼師云喫茶去

蒙山寶禪師參荷澤澤云汝名光寶名以定體寶即已有
光非外來縱汝意用而無少乏長夜蒙照而無間歇汝還
信不師云信則信矣未審光之與寶同耶異耶澤云光即
寶寶即光何有同異之名乎

仰山寂禪師問三聖汝名甚麼云慧寂師云慧寂是我云

我名慧然師乃呵呵大笑

雪竇顯頌云雙收雙放若為宗騎虎由來要絕功笑罷
不知何處去只應千古動悲風 上方益云張弓架箭
可無機特向函關展信旗胡馬若非知步驟頂門爭免
一金鎚 佛心才云是汝非渠能縱奪龍盤虎踞有來
由因思海月清風夜直釣和竿懶更收

仰山問僧名甚麼云靈通師云便請入露柱云早箇入了
也傳燈作
入燈籠

法眼別云喚甚麼作燈籠 保寧勇代云非但露柱亦
在和尚眼睫裏躡跳

白水儒禪師問僧名甚麼云覓箇名了不可得師云自是
老僧不識好惡云幾人於此忘言師云酌然是作家云須

契胡椒僧拂袖便出師云作家師僧天然猶在

圓悟勤云這僧善放善收正是靈利衲子究竟能擒能

縱真箇本分鉗鎚千百年後不道無只是少諸人還委

悉麼和氏場中饒羨璞孟嘗門下足高賓塗毒策云

撥草尋雲路移移得茯苓蓋善識常用底若坐籌帷幄

運出良謀則橫屍滿野只如這僧恁麼又作麼生等閑

躡足潭邊過消得龍王多少風

趙州諗禪師僧問和尚姓甚麼師云常州有云甲子多少

師云蘇州有

道吾智禪師與雲巖到南泉處泉問闍黎名甚麼師云宗

智泉云智不到處作麼生宗師云切忌道著泉云酌然道

著則頭角生異日師與雲巖在後架把針南泉過見再問

智頭陀前日道智不到處切忌道著道著則頭角生合作
麼生行履師乃抽身入僧堂

投子青頌云金剛際下古髑髏幾被人踏血濺空明月
任從君自掬寒松那棄白雲封

三平忠禪師一日問侍者你姓甚麼云與和尚同姓師云
你道三平姓甚麼云問頭何在師云幾時曾問你云姓者
誰師云念汝初機放你三十棒

佛鑑勸云叵耐侍者無端茶糊他三平是即與和尚同
姓家醜豈可外揚雖然三平老漢不得無過風來樹動
水來河漲上梁不正下柱參差而今是非得失一時劃
斷且道三平畢竟姓甚麼良久云世間若有豈崙眼休
向荆山問卞和 大瀉智云三平和尚為衣無法度被

是和尚眼始得師云闍黎底聲僧拂袖而出師云闍黎
闍黎僧回首師云苦屈之辭不妨難吐鹹駝

圓悟勤云這僧却具正眼不合便回頭白馬本分鈞錐
卒急實難湊泊還委悉麼相罵饒汝接蒲相唾饒汝潑
水

曹山本寂禪師初謁洞山山問汝名甚麼師云本寂山云
何不向上道師云不道山云為甚麼不道師云不名本寂
洞山器之

黃山輪禪師因夾山問汝名甚麼師云月輪夾山畫一圓
相云何似這箇師云和尚與麼說話諸方大有人不肯山
云子又作麼生師云還見月輪麼山云子恁麼說話此間
大有人不肯諸方鹹作

雪峰存禪師問僧名甚麼云玄機師云日織多少云寸絲
不掛師云參堂去僧纒行三五步師云袈裟落地也僧回
首師便打云大好寸絲不掛

睦州蹤禪師因有僧名宗闡云宗闡咨和尚師云任僧便
住師咄云名也不識又云有闡即判快道快道僧無對
壽山解禪師謁洞山山問闍黎主緣何處師云和尚若實
問某甲即闡中人洞云汝父名甚麼師云今日蒙和尚致
此一問直得忘前失後

雲居膺禪師因洞山問闍黎名甚麼師云道膺山云向上
更道師云向上道即不名道膺山云與吾在雲巖時祇對
無異也

徑山杲云道膺向上道則不名道膺既不名道膺喚作

向上道則不可既不是向上道且作麼生契得洞山意
良父云智者聊聞猛提取莫待須臾失却頭

金峰志禪師問僧姓甚麼云姓何師云至竟不脫俗云因
師致得師云若恁麼過在金峰云不敢師云酌然金峰有
過

圓悟勤云時人鬪勝金峰鬪劣時人占剛金峰占弱且
道落在甚麼處得饒人處且饒人

保福展禪師問僧你名甚麼云咸澤師云忽遇枯涸時如
何云誰是枯涸者師云我是云和尚莫瞞人好師云却是
你瞞我

長慶稜禪師因安國瑄和尚新得師號師往賀之瑄出迎
師問云師號來耶云來也師云是甚麼號云明真師乃展

手瑄云甚麼處去來師云幾不問過

玄沙備禪師因僧問如何是和尚親切底事師云我是謝
三郎

重寶顯云本是釣魚船上客偶除鬚髮著袈裟祖佛位
中留不住夜來依舊宿蘆花投子青云親伴端的向

君言莫比流沙少室傳昨夜鴈回雙嶺後謝家人立月
明前祖印明云杪秋時節水雲鄉千頃蘆花未著霜

江景不將零碎賣時分付謝三郎草堂清云聞山
滄海浪悠悠父子生涯一釣舟忽爾踏翻深猛省大家

收拾去來休

南院顯禪師問僧名甚麼云普參師云忽遇屎橛時又作
麼生僧云不審師便打

南院僧問萬代留名時如何師云光漆郊社

含珠哲禪師問僧有亦不是無亦不是不有不無亦不是

汝本來名甚麼云已具名了師云具名即不無畢竟名甚

麼云只這是師云且喜沒交涉云如何即是師云親切處

更請一問云學人道不得請和尚道師云別日來與汝道

云即今為甚麼不道師云覓箇領話人不可得

含珠問僧張黃李趙不是汝本來姓汝本來姓箇甚麼云

與和尚同姓師云同姓即且從汝本來姓箇甚麼云待漢

水逆流時即向和尚道師云只今為甚麼不道僧云漢水

逆流也未師休去

龍光禪師問僧名甚麼云自觀師云自觀見甚麼

雪竇顯代云有悞龍光

清化付禪師參南塔湧和尚湧問甚處來師云鄂州來云
鄂州使君名甚麼師云化下不敢相觸湧云此地通不畏
師云大丈夫何必相試湧驟然而笑

法眼益禪師因謂小兒云因子識得你爺你爺名甚麼小
兒無對師却問一僧若是孝順之子合下得一轉語且道
合下得甚麼語僧無對師自代云他是孝順之子

法燈欽代前語云但將衣袖掩面
有官人問僧名甚麼云無揀官人云忽然人將一椀沙與
上座又作麼生僧云謝官人供養

法眼別云此猶是揀底
天台韶國師問智者肯禪師汝名甚麼云全肯師云全肯箇
甚麼肯乃禮拜住山後有僧問有人不肯師還肯也無肯

云若人問我只向伊道師

風穴沼禪師僧問父隨梅柳為甚麼金榜上無名師云來
千去萬且要鍛鍊

龍潭曉禪師問僧近離甚麼云東京師云東京有一人無
姓無名子還識不云不識師云恁麼則不從西京來僧云
諾諾便下去師却令侍者請來師云適來唱諾是肯老僧
不肯老僧僧無對師云洎合放過便打

廣德義禪師僧問有室女未嘗嫁媾生得一子姓箇甚麼
師云偶然衫子破閫外没人蹤

鷲嶺遠禪師因長慶問汝名甚麼師云明遠慶云那邊事
作麼生師云明遠退兩步慶云你無端退兩步作麼師無
語慶代云若不退兩步爭知明遠師於是喻旨

石門聰禪師因僧侍立次師問你向甚麼處坐云後架裏
坐師云你向甚麼處舉話云與主人公舉話師云主人公
姓甚麼云不得姓師云名甚麼云不得名師云與麼則不
識主人公也僧便喝師不對

慈明圓禪師問僧名甚麼云海滿師云海無增減為甚麼
却滿云和尚莫謾海滿好師云南源罪過

福昌善禪師問超山主名甚麼云與和尚同名師云回互
不回互云不回互師便打

雪竇顯禪師問僧名甚麼云宗雅師云雅即不問如何是
宗僧無對師云且限三日其僧頻來下語師不諾僧云和
尚作麼生師云你何不問僧擬問師連打數棒

雪竇問僧名甚麼云義懷師云何不名懷義云當時置得

師云誰為汝立名云某甲受戒來十年也師云行脚費却多少草鞋云和尚莫謾人好師云我也沒量罪過汝也沒量罪過爾作麼生僧無語師云脫空謾語漢便打

水月金典座參雪竇一日遇之殿軒竇問汝名甚麼云惠金竇云誰惠汝金云容少間去方丈致謝竇云即今與師云這裏容和尚不得竇休去

蘇東坡答玉泉皓姓稱見碑

石霜問張拙何姓見碑

四祖問五祖何姓見碑

洞山問僧名甚麼見碑

龔上座師弟代上名見碑

頭首

南泉願禪師因黃檗在師會中為首座一日捧鉢向師位中坐師入堂見乃問長老甚麼年中行道檗云威音王已前師云猶是王老師兒孫下去檗過第二位坐師休去

馮山云欺敵者云仰山云不然須知黃檗有陷虎之機馮山云子見處得與麼長 雪竇顯云可惜王老師只見錐頭利我當時若作南泉待伊道威音王已前即便

於第二位中坐令黃檗一生起不得雖然如此也須救取南泉 雲峰悅云後來叢林中多有商量或道黃檗有陷虎之機南泉有殺虎之威若作與麼說話誠實苦

哉殊不知這老賊有年無德喫飯坐處也不依本分若雲峰門下說甚威音王已前三王老師更大直須喫棒趁

出

踈山如頌云威音王佛是兒孫王老當時開大言黃檗見機分主伴典刑千古定宗門佛眼遠云彼此老來誰記得人前各自強惺惺一坑未免俱埋却幾箇如今眼子青

藥山儼禪師因遵布衲作殿主浴佛次師乃問汝祇浴得這箇還浴得那箇麼遵云把將那箇來師休去

長慶稜云邪法難扶玄覺云且道長慶恁麼道在賓在主衆中喚作浴佛語亦云兼帶語且道盡善不盡善黃龍南云此二尊宿一出入未見輸贏三十年後不得錯舉佛性泰云好箇浴佛二俱不了古德若作遵布衲待藥山休去便將杓子舀湯劈面潑教伊皮膚脫

落盡唯有一真實應庵華云遵布衲當時若是箇漢待他道浴那箇不得拈杓子劈面擲雖然也不得屈藥山何故不入虎穴爭得虎子

塗毒策頌云愛將香水薰頭澆引得清風慰寂寥無限遠山描不得喬松脩竹冷蕭蕭

甘贄行者入南泉設齋黃檗爲首座行者請施財槩云財法二施等無差別行者昇錢出去須臾復云請施財槩云財法二施等無差別行者乃行覷

翠巖真云甘贄行者點兒落節黃檗施財何曾夢見徑山杲云一等是隨邪逐惡只有雲居羅漢較此子松源岳云總是掩耳偷鈴殊不知甘贄有收有放首座徹底惺惺雲收雨霽長空闊一對鴛鴦畫不成

嵩山祐禪師一日令侍者喚第一座座至師云我喚第一座汝來作麼

曹山代云若令侍者喚恐不來 法眼別云適來侍者喚 保寧勇代指侍者云總是汝不是

趙州諗禪師因二僧相推不肯作第一座主事白師師云總教作第二座主事云第一座教誰做師云裝香著云裝香了也師云戒香定香慧香解脫香

臨濟玄禪師會下兩堂首座一日舉頭相顧各下一喝僧舉問師未審具實主眼不師云雖然如此實主歷然

承天宗云臨濟此語走殺天下衲僧我即不然當時見僧舉但云一對無孔鐵鎚 天童覺云殺人刀活人劍在臨濟手裏雖然如是當時便與一喝直饒他大逞神

通也只得同聲相應 大瀉智云作麼生是實主歷然底道理若會得一雙孤雁憐地高飛兩箇鴛鴦池邊獨立

慈明圓頌云啐啄之機箭拄鋒瞥然實主當時分宗師欄物垂緇素北地黃河徹底渾 浮山遠云兩堂上座

齊下喝眼裏瞳人帶金屑錐刀同用不能分黑漆漆崑崙迷夜月 佛印元云箭鋒相拄自請訛李廣雙鴈射得

多堪笑人來望天際歷然飛鷄過新羅 雲溪茶云實主歷然句下分三玄從此振乾坤如今多少途中客盡

日區區獨自分 黃龍震云離朱明不到師曠聽亦訛箇中識實主日午下星河

南泉願禪師一日因齋次乃自將生盤去首座前云出生

叻時杉山堅和尚為首座乃云無生師云無生猶是未師
纔行數步首座乃召云長老長老老師回顧云作麼首座云
莫道是末

智門祚頌云古老巡堂親掠生渡水行舟不易耕莫道
無生猶是未纖毫不了亂縱橫

定山英禪師一日見首座洗衣遂問云作甚麼首座提起
衣示師師云洗底是甚衣座云福州使鐵錢師乃今維那
移下首座掛搭

達觀禪師一日陞堂首座出作禮師云好好問著首座低
頭纔問師云今日不答話便下座歸方丈

雲門偃禪師出嶺欲抵靈樹先是靈樹住持九數十年堂
虛首席眾屢請命上座樹不許嘗云我首座纔游方矣及

師至忽鳴鼓告眾請往接首座師果至遂命首眾為消靈
樹將滅欲師踵其席乃潛書秘函中謂門人曰吾滅後上
或幸此請以此遺上果會駕幸山靈樹預知乃陞堂跏趺
而終及帝至已滅矣門人出函奉之上啓函得書云人天
眼目堂中上座帝乃勅刺史何希範具禮請師繼席

雲門問僧你是甚人僧云知客師云客來將何祇待云隨
家豐儉師云這箇是瓦椀竹筴客來將何祇待云謝和尚
慈悲師云鰕跳不出斗僧無對師云你問我僧便問將何
祇待師便打代初問處便打又云一盤飯兩椀茶又云貪
觀天上月

雲門問堂中首座云你道乾坤大地與汝自己同別首座
云同師云一切物命蛾蟻子與汝自己同別首座云同

師云你為甚麼干戈相待

松源岳云雲門平地上弄險好與他一劄首座恣意賣
峭也好與他一劄一劄兩劄且道意在甚處將謂鬚鬚
赤更有赤鬚鬚

雲門因鵝湖上堂有云莫道未了底人長時浮逼逼地設
使了得底人明明知得有去處尚乃浮逼逼地師下堂舉
問首座適來和尚示衆意作麼生座云浮逼逼地師云首
座久在此住頭白齒黃作這箇語話座上座又作麼生
師云要道即得見即便見若不見且莫亂道座云只如堂
頭道浮逼逼地又作麼生師云頭上著枷脚下著杻座云
與麼則無佛法也師云此是文殊普賢大人境界

大滌詰云大凡撥草瞻風須是其人雲門可謂青天霹

靄旱地震雷直得竟厲變懣不見道驚羣須是英雄漢

敵勝還他獅子兒 黃龍新云雲門以錐栽樹首座用

刀刻空王直饒齊用錐刀未免頭上著枷脚下著杻

雲門有時云平地上死人無數過得荆棘林是好手時有

僧出云與麼則堂中第一座有長處也師云蘇嚕蘇嚕

馮出詰云若不是雲門被這僧一問幾乎將南作北六

馮即不然忽有人道恁麼則堂中第一座有長處也乃

拈拄杖云你喚這箇作甚麼若喚作拄杖子有影墮落

黃龍南拈起拂子云大眾若喚作拂子正是平地上死

人若不喚作拂子未透得荆棘林在擊禪杯下座 五

祖演云太平即不然平地上箇箇文天荆棘林裏坐得

底是好人何故乃云格 西禪密云大小雲門不妨小

臆言是山僧則不然荆棘林裏坐荆棘林裏即有其麼
過

雲居簡禪師又依膺禪師而分掌寺務典司樵爨以膺高
居第一座膺將順寂主事問誰堪繼嗣膺云堂中簡主事
未喻旨謂之揀選與衆僉議舉第二座為化主然且備禮
先請第一座必若謙讓即堅請第二座師既密承膺託畧
不辭遂自持道具入方丈主事不恆素志周循規式師察
其情棄院下山其夜山神號泣語曰主事大衆至來莊
悔過哀請歸院衆聞山神連聲云和尚來也和尚來也
含珠老禪師因檀越請堂中首座開堂主事報師師云是
即是欠悟在座聞得支裝而去師拈拄杖隨後打出
東橋禪師因僧鋤地次見師乃不審師云你見阿誰了便

不審云見師不問部禮式不全師云却是辜負老僧僧舉
似首座座云和尚近日可謂為人切師聞乃打首座七棒
座云某甲恁麼道未有過在亂打作麼師云喫我多少鹽
醋又打七棒

藏主見一僧在經堂內長坐主問上座何不看經云某甲
不識字主云何不問人其僧鞠躬叉手云未審是甚麼字
藏主無語

黃龍新云這僧閉門家裏坐禍從天上來若不是藏主
泊被打破蔡州 地藏恩云賊是小人智過君子 白
靈瑞云大衆藏主雖然無語爭奈其聲如雷這僧雖不
識字要且點畫分明且道是甚麼字良久云玉篇裏尋
取 佛性泰云雖有隱虎之機且無殺人之手若是山

僧即不然待他义手躬身云是甚麽字但向道裏賊大
敗 王泉璉云這僧义手大藏難詮藏主無語泥裏有
刺

洪州大寧衆陳狀請第二座住持宋令公云何不請第一
座衆無語

法眼代云不勞如此 保寧勇代云寧敢謾令公 松

源岳云令公高提正印保寧畧露風規正眼洞明且不
傷鋒犯手自然千里同風且道同風一句作麼生道豐
年野老謳歌盛大化無爲道太平

雲居齊禪師在法燈會中爲藏主燈一日謂師云今日有
僧問如何是祖師西來意老僧對他道不東不西藏主作
麼生師云不東不西藏云恁麼會又爭得師罔措至晚上

方丈請法燈云他家自有兒孫在師於言下頓明厥旨有
頌云接物利生絕妙外生終是不肖他家自有兒孫將來
用得恰好

翠巖直禪師在歸宗南和尚會中爲首座時南問承首座
當將女子出定話爲人是不師云無南云奢而不儉儉而
不奢爲甚道無師云若是本分衲僧也少他鹽醬不得南
却回首喚侍者云報典座明日祇煮白粥

雲峰悅禪師住靈巖方至首座出迂問云德山宗乘即不
問如何是臨濟大用師厲語云汝甚麼處去來座滿對師
掌之又擬申語師喝云領衆歸去於是一衆畏師

鐘山慶首座謁黃龍死心延爲首座後隱于鐘山慕陳尊
宿高士之風掩關不事事日遊南數簷自適人無識者手常

穿一襪凡有禪者至是以示之云老僧這襪三著三
了也

雪竇顯禪師在大陽玄和尚會中為知客因與僧論趙州
相禪子語行者在傍失笑而去客退師問之者云笑知客
智眼未正擇法不明師云趙州意作麼生者乃頌云一
橫身當古路蒼鷹一見便生擒後來猶狗無靈性空向枯
椿舊處尋行者乃承天宗也

雪竇在大龍為知客李殿院來問云知客是長老鄉人那
師云不敢李云且在這裏不得亂走師云本為行脚李云
行脚當為何事師云看亂走底李大笑

雪竇在南嶽福嚴為藏主李殿院同雅長老入藏院師出
接李云藏主那師云不敢李云藏中說者下官麼師云自

前可驗李云驗底事作麼生師云不消一答李無語師云
且請殿院歸寮喫茶坐次山嵐忽起雅云殿院遊山恰值
煙霧李云靈峰聖迹為甚麼却有這箇師云下方無李擬
道雅云藏主壯觀福嚴師云和尚是莫開眼李云作家作
家師云殿院尊重時有道士秀才到李文問三教中那教
最尊師乃起側身而立李云有口何不道師云對夫子難
言李云休休便起師云適來造次

南堂靜頌云五老峰前古觀基老君元是一坐危時難
只得同香火莫聽他人說是非

此座悅禪師在道吾為首座領數衲講雲蓋智和尚智與
語未幾句盡知所蘊乃笑云觀首座氣質不凡奈何出言
吐氣如醉人耶師面熱汗下云願和尚不吝慈悲智復與

語錐刺之師乃茫然遂求入室智云曾見法昌遇和尚不
師云曾着他錄自了可也不願見之智云曾見洞山文和
尚不師云關西子沒頭腦拖一條布裙作屎臭氣有甚長
處智云你但向屎臭氣處參取師依教即謁洞山乃深領
奧旨

達觀禪師示眾云山僧平生好相撲只是無搭對今日
且共首座搭對遂捲却袈裟下座索首座相撲首座纔出
師云平地喫交便歸方丈

明教高禪師因開先命師堂書記師笑云出家兒行脚爲
你一盞薑杏湯即力辭不受而去

法雲泉禪師在圓通爲首座爲眾秉拂機遲而訥眾笑之
師有赦色次日於僧堂前點茶師慚甚因觸茶瓢墮地見

瓢跳乃得應機三昧

佛眼典賓海會見門

黃檗見首座坐禪息門

首座扣齒答韓文公親數

洞山請慈明充首座山門

陳當書請首座唱食親門

雪竇在景德爲首座見門

兩堂首座爭猫兒見門

睦州在黃檗爲首座令臨濟問佛法親門

許式郎中問首座年多少親門

興化入僧堂見首座坐禪定門

趙州同首座看石橋見門

雪竇爲首座罵直觀見門

首座撲破淨瓶親門

首座拍牛背親門

仰山夢往天宮居第二座說法規
石霜遷化衆欲請首座繼席規
黃龍令侍者問首座疾規
洞山請泰首座與果子規

知事 莊務附

南嶽讓禪師住院常住凡有所須並是大王供給有院主
二十年言執常住並無文曆一日官中提點所司磨勘將
院王囚禁在獄主乃自思惟我比和尚不知是凡是聖我
二十年佐助伊今日得此苦毒之報師於定中覺之忽中
夜令侍者裝香點燈即便端坐其院主於獄中忽爾心開
二十年間用過錢物一時記得乃令書司二人口授筆寫
記算並無遺失遂乃釋之

南泉願禪師一日不赴堂侍者請赴堂師云我今日在莊
上與油糍飽者云和尚不曾出入師云汝去問莊主者方
出門忽見莊主歸謝和尚到莊與油糍
鼓山珪頌云近在口皮邊遠過河沙國世間多少人不

骨人負相
由山福地
詳見傳灯九
初

得油燃喫 徑山吳云和尚不庭堂莊主謝臨屈一字
入公門九牛車不出 應庵蓋云昔眾與油粒對人誇
好手潦倒不識羞抵死揚家醜 癡禪妙云古德肚裏
飽齣齣莊主雖飢解點頭侍者只聞歌樂響不知洪飲
在高樓 東林顏云騎虎穿市過把火去偷猪主人開
眼睡並合叫失驢

藥山嚴禪師一日問飯頭汝在此多少時也云三年師云
我總不識汝飯頭因測發憤而去

馮山祐禪師在百丈為典座時百丈因司馬頭陀尋得太
馮山地選人主之文云老僧住得不陀云彼是肉山和尚
是骨人若居之只安五百眾彼可安千眾文云吾眾中莫
有人住得不陀云觀典座可住得文乃呼師來說與時首

華林和尚

座聞得云合當某甲去彼何人也文乃集眾云下語出格
者得遂拈淨餅置地設問云不得喚作淨餅喚作甚麼首
座云不可喚作木揆也文復問典座師乃踢倒淨餅而去
文笑云首座輸却山子也因命師往住山後果安于眾
上方益頌云不願山前有信旗單刀一直入籌帷長戈
短戟都無用奪得將軍金印歸 昭覺總云交奪英雄
是淨餅毫釐分處更無情太平本是將軍致不許將軍
見太平 佛迹昱云正令全提作者知淨餅拈起定無
疑須知大智無私鑑解道馮山却屬伊 無庵悅云淨
餅踢處有來由自是行人不到頭須信春風生大野不
風流處也風流 智海清云百丈堂前定大馮金毛獅
子張全威淨餅踢倒還元化千里淳風動地歸 通照

逢云八用還應作者知當場一踢絕狐疑若定不認家
園者只向餅邊定是非

馮山一日令侍者喚院主至師云我喚院主汝來作麼
曹山代云也知和尚不喚某甲 保寧真代云未請和
尚有何處問

德山鑿禪師問維那今日有幾人新到那云八人師云喚
來我一時與汝生案過維那無對

保寧真代云和尚慈悲大殺

興化獎禪師一日謂克賓維那云汝不父為唱這之師賓
云我不入這保社師云你會了不入不會了不入云總不
與麼師便打云克賓維那法戰不勝罰錢設齋次日興
化入堂白槌云克賓維那法戰不勝罰錢一五貫設齋飯一

堂仍須出院宿後出世任太行山嗣興化

雪竇顯云克賓要承嗣興化罰錢出院且致却須索取
這一頓棒始得且問諸人棒既喫了作麼生索得雪竇
要斷不平之事今夜與克賓維那雪屈以拄杖一時打
散 黃龍南云克賓失錢遭罪有理難伸興化以剛決
柔未足光也 雲峰悅云路遙知馬力歲久見人心

大為詰云興化令雖行大似以勢欺人克賓一朝輸機
垂奈千古聲光不墜且道利害在甚處若不沙場經久
戰揭天樓鼓喪紅塵 雲居舜云大冶精金應無變色

其奈興化令行大嚴不是克賓維那也大難承當總是
而今泛泛之徒翻轉面皮多少時也

照覺總頌云克賓法戰挫英雄興化嚴行振祖風棒下

直明無生忍莫教知解入塵籠 真淨文云丈夫當斷
不解斷興化爲人徹底漢已後從教眼目閉棒了罰錢
赴出院 佛國白云主中主問宿中賓賓主分明到底
親有理罰錢無說處太行山下淚沾巾 佛心才云竟
實興化令雙行白髮通心透頂生空過初僧言白眼儘
教天下競頭爭

太原字上座因問王向雪峰會中請晏監院住持鼓山雪
峰明送之乃云一隻聖箭射入九重城裏去也師云和尚
是伊未 在峰云渠是徹底人師云若不信待某甲去勘過
師遂赴到中路便問師兄向甚處去晏云九重城裏去師
云忽遇三軍圍遶時如何晏云他家自有通霄路師云與
麼則離宮失殿去也晏云何處不稱尊師拂袖便回峰問

如何師云好一隻聖箭折却也遂舉前話峰云奴渠語在
師云這老凍膿畢竟有鄉情在

大滄詰云此語衆中商量不少或云纔問甚處去這裏
便好打是聖箭折處或云忽遇三軍圍遶時如何好打
是聖箭折處如斯理論非唯瞞他亦乃自瞞要會麼相
如曾奪連城壁奉主安然致太平 保寧勇別晏云三
元我也知你是箇惡人

雲門偃禪師問直歲甚麼處去來云刈茅來師云刈得幾
箇祖師云三百箇師云朝打三千暮打八百東家爲柄長
西家爲柄短又作麼生直歲無語師便打

大滄詰云直歲爲衆竭力到雲門面前乃力盡神疲何
故甚逢敵手難藏行水到滄溟始是波 徑山杲云直

歲無語自有三百箇祖師證明雲門令雖行要且棒頭無眼

雲頭見火頭乃云你辛苦我賞你這箇拄杖子吞却祖師也頭無對師代云功不浪施又云禍不單行又一日見飯頭問云汝是飯頭麼云是師云顆裏有幾米米裏有幾顆頭無對師代云某甲瞻星望月又云福利門中不得不作雲頭問修造僧云你是修造那云是師云盡乾坤是箇屋作麼生是屋主僧無對師云你問我與汝道僧便問師云雲代前語云賺却多少人來

雲頭喫茶次問僧你是柴頭不云是師云更勸一甌茶自代云辛苦受盡又云功不浪施又云和尚念某甲辛苦雲頭問僧你是園頭不云是師云蘿蔔爲甚不生根僧無

對師代云兩水多又云不解悅豫使人

雲頭問柴頭你爲甚麼拽折大梁鋸僧云無師云無即休自代云彼此又云平地又云也知和尚爲頭首辛苦

雲頭問飯頭佛是千百億化身你每日作飯一杓幾箇釋迦老子僧無對師代云一僧一升米又云今日齋飯較細華嚴齋禪師在洛浦作維那因普請師白槌云上間搬柴下間鋤地時首座便問聖僧作麼生師云堂堂不正坐不赴兩頭機

禾山方云首座只解與麼來爭奈維那善能酬價子細檢點將來猶是影身句諸人還要此話圓麼良久云恰松山章禪師在投子作柴頭後謁雪峰峰問真且章柴頭廢師乃作輪槌勢峰乃肯之

永安靜禪師在洛浦典園務有僧辭浦浦問四面是山閣
梨向甚麼處去僧無對浦限十日內下語中從汝去其僧
冥搜久之無語因入園中師云上座辭去今何在此僧舉
前話堅請代語師云竹密豈妨流水過山高那阻野雲飛
其僧遂白滿浦云誰下此語云某甲浦云非汝之語其僧
具言園頭所教浦為衆云莫輕園頭他日任一城隍五百
人常隨也師後住永安禪苑果有五百餘僧

玄則監院在法眼會下並不入室忽一日眼問汝在此初
不見來問話曾參甚人有何見處師云某甲曾參見青峰
和尚來眼云有甚言句師云某甲問如何是學人自己峰
云丙丁童子來求火眼云好語汝作麼生會師云丙丁屬
火將火求火如將自己求自己眼云與麼會又爭得師當

時不肯遂起發去眼問侍者則監院在甚處者云已起去
也眼云此僧若過江去救伊不得也師至中途再返求懺
悔問云玄則只與麼和尚尊意如何眼云汝但問師便問
如何是學人自己眼云丙丁童子來求火師大悟於言下
後出世金陵報恩為法眼之嗣

白雲端頌云末上一回秤八兩又秤恰重半斤來定盤
星在誰人手爭著絲毫可恠哉 照覺總云丙丁求火
已虧明法眼青峰古路行行到水窮知盡處坐看雲起
見平生 佛燈珣云問處分明答處親青峰八字打開
門頭盡是吾家物何必臨岐更問津 大洪遂云丙
丁求火問青峰叵耐韓獪逐塊蹤賴得清涼重點破一
聲雷震化為龍

石門聰禪師問直叢清涼堰從你堰忽遇洪水滔天時堰
得麼歲云在裏頭師云與誰同伴歲無語請師代師云透
過新羅歲却問忽遇洪水滔天時堰得麼師云上在天下
拄地云若遇劫火洞然時又作麼生師云橫出豎沒
金鑿禪師一日厨前見典座便問典座變生成熟即不無
典座辭却木杓道將一句來典座無語後令人入室僧代
語皆不契乃自代云羊羹雖美衆口難調

白雲端云大眾且道金鑿離得木杓也未法華即不然
離却木杓一句作麼生道人情若好喫水也肥

雲峰院禪師參大愚芝和尚芝問來何所求師云求心法
云法輪未轉食輪先轉後生越色力健何不爲衆乞食我
忍飢不暇何暇爲你說禪立師不敢違未幾芝移靈巖師

納疏罷復過靈巖求指示芝云佛法未到爛却雲寒宜爲
衆乞炭師亦奉命能事罷復造方丈芝云堂司闕人今以
煩汝師受之不樂恨芝不去心一日後架修桶桶籬忽散
自架墮落師忽然開悟頓見芝用處急趨方丈芝見來笑
云且喜大事了畢師再拜不及吐一辭

淨因指禪師在投子作典座子問厨務勾當不易師云不
敢子云煮粥耶蒸飯耶師云人工淘米著火行者煮粥蒸
飯云子作甚麼師云和尚慈悲放他閑去

楊岐會禪師父在慈明會中總院事未有省發每咨參明
云庫司事繁直去或云監寺異時兒孫遍天下去何用忙
爲有一老嫗近寺而居人莫之測所謂慈明婆也明乘閑
必至彼一日兩作師知明將往偵之小徑既見遂揖住云

這老漢今日須與我說不說打你去明云監寺知是般事
便休語未卒師大悟即於泥途拜之起問狹路相逢時如
何明云你且禪避我要去那裏去師歸來曰具威儀詣方
丈禮謝明呵云未在本

五祖演禪師在白雲端和尚會中作磨頭一日端下來云
磨頭你還知一件事麼師云不知端云近有數禪客負廬
山來問他皆有悟入處教伊說亦說得有來由舉因緣向
伊亦明得教下語亦下得端良久謂師云磨頭祇是未在
你道如何師聞之心下不安得七日七夜不成腸肚正中
心下乃自思惟云既悟了說亦說得明亦明得如何却未
在忽然中夜方會得從前寶惜一時放下遂白端端起來
手舞足蹈

佛眼遠云某甲曾侍先師舉此因緣謂某甲云參學須
是一時放下方得安樂大衆遠見得不放得下好脫灑
放不下牛拽杷堪笑諸方老古錘打鼓說禪無尾欄無
尾欄不驚怕可嗟訝解踏毘盧頂上行不言亦自傳天
下好大哥

五祖在白雲作磨頭師逐年歷下收糠粃錢典解出息在
人工開供外剩錢入常住每被人於方丈問謀是非云磨
頭逐日磨下飲酒食肉及非所糠粃錢將使盡矣一院紛
紜師聞之故買肉沽酒懸於磨院以手揶揄與婦人語笑
無忌憚白雲一日喚至方丈問其故師喏喏無他說白雲
劈面掌云便去退却師色不恠云俟結筭了請人文割乃
作禮而去次日至方丈云某甲在磨下沽酒買肉之餘剩

錢三百千入常住白雲大驚方知小人嫉忌之

竹庵瑤禪師謁佛眼即以平時所得白之眼云汝解心已

極但欠着力開眼耳遂職堂司一日侍立次師問絕對待

時如何眼云如汝僧堂中白槌相似師因措至晚眼抵堂

司師復以前話問之眼云閑言語師於言下大悟眼云今

無復言

投子因菜頭請益觀門南泉因莊主預備見門

鹽官主事見鬼使見門青峰在洛浦為院主見門

金典座參雪竇見門灌溪在末山作園頭見門

招慶作桶頭觀門仰山典座分食供異僧見門南泉典座管待園頭見門

夾山在瀉山作典座見門

侍者

南陽忠國師一日三喚侍者侍者三應諾師云將謂吾辜

負汝却是汝辜負吾

雪竇顯云國師三喚侍者點即不到侍者三應到即不

點將謂吾辜負汝誰知汝辜負吾瞞雪竇不得雲門道

作麼生是國師辜負侍者處會得也是無端師云元來

不會又云作麼生是侍者辜負國師粉骨碎身未報得

師云無端無端復舉僧問投子國師三喚侍者意旨如

何投子云抑逼人作麼師云塚根漢僧問興化化云一

盲引衆盲師云端的瞎僧問玄沙沙云侍者却會師云

停囚長智僧問趙州州云如入暗中書字字雖不成文

玄覺徵云甚處是侍者會處僧云若不會畢解與麼應
師云汝少會在又云若於此見得去便識玄沙 蓋巖
芝云國師與侍者總欠會在如今怎生會

黃龍南頌云國師三喚侍者打草只要蛇驚誰知澗底
青松下有千年茯苓 雪竇顯云師資會遇意非輕無
事相將草裏行真汝負吾人莫問任從天下競頭爭

翠巖真云侍者何曾喚不回國師乾地起風雷當時若
也相逢著九轉還丹化作灰 智海清云國師三喚侍
者侍者二度應諾若言負汝負吾真箇可知禮也 高

庵悟云寶劍連飛急透頂便通神有時輕按處驚動五
湖賓 祖印明云國師年老太多圖截鶴由來要續鳧
彼此無瘡安樂甚何勞傷損好皮膚

忠國師因丹霞來訪值師睡次乃問侍者耽源云國師在
不者云在即在祇是不見客霞云太深遠生者云莫道上
座佛眼也覩不見霞云龍生龍子鳳生鳳兒師睡起侍者
舉似師師乃打侍者二十棒趨出丹霞聞之乃云不謬為
南陽國師

南堂靜云丹霞不會作客勞煩主人侍者不會作主漏
泄天機國師行聞外威權知音者少且道山僧又作麼
生良久云如今四海明如鏡不用和煙帶雨來 應庵
華云侍者與棒出院蓋千載一時然歸宗豈免眼熱丹
霞故雖好手爭奈波在國師網子裏諸人還辨得麼苟
或未然猶握金鞭問歸客夜深誰共御街行
佛燈珣頌云一人把拖逆風頭一箇張帆順水流興發

幾回乘好月飄然不覺過滄洲 佛鑑勲云老倒南陽
不識峻丹霞得便每相過一朝龍鳳親生子四海人傳
家不和 石門易云風靜波澄月映空途中人借問山
翁只知回顧幽林下不覺東巖雲霧籠 雲巖因云國
師養子之緣丹霞口甜心苦侍者當時放過二十山藤
輕怒 枯木成云尸底門頭也要人暫時不在便因循
家風已被傍人見賊過張弓枉用神

趙州諡禪師因侍者報云大王來也師云萬福大王者云
未到在師云又道來也侍者罔措

黃龍南云頭頭漏泄罕遇僊陀侍者口解報客不知身
在帝鄉趙州入草求人 不覺渾身泥水 白雲端云侍
者雖然罔措爭奈王令已行王令已行則海晏河清且

道海晏河清一向作麼生道乃云野老不知堯舜力
夔打鼓祭江神

佛性泰頌云應用從來不覆藏當機何得昧真常只知
報道王來也不覺渾身在帝鄉 南巖勝云許由臨岸

洗耳巢父不飲牛水侍者親入帝鄉趙州只在草裏
趙州示衆云纔有是非紛然失心還有答話分也無有僧
出拈侍者一下云何不祇對和尚師便歸方丈後侍者請

益云適來僧是會不會師云坐底見立底立底見坐底
本溪禪師因龐居士問丹霞打侍者意旨如何師云老老

大大見人長短士云為我與師同參所以借問師云若忘
麼從頭舉來共你商量士云老老大大不可共你說入是

非師云念公年老士云罪過罪過

佛鑑勲云一對鐵鏈如綿團一雙烏鴉如白鶴忽然狹
路相逢不免將錯就錯

洞山价禪師因德山侍者來師云從何方來者云德山來
師云來作甚麼云老順和尚師云世間甚麼物最老順侍
者無對

大千禮師明侍者金剛正定一切皆然秋去冬來且作麼
生云不妨和尚借問師云即今即得去後作麼生云誰敢
問著某甲師云大千還得麼云猶要別人點檢在師云輔
弼宗師不廢光彩侍者作禮

石霜諸禪師一日問侍者云道吾長向僧道莫牽那邊著
這邊你作麼生會者云一依和尚所會師云作麼生是我
會處者從西過東而立師云正是棄那邊著這邊

西睦禪師有時驚喚侍者者應諾師云更深夜靜共伊商
量

鳥窠道林禪師因侍者會通一日作辭師乃問汝今何往
云某甲為法出家和尚不垂慈誨今往諸方學佛法云師
云若是佛法老僧此間亦有少許云如何是和尚此間佛
法師於身上拈起布毛吹一吹侍者大悟更不復他送

大滄秀云可惜這僧認他口頭聲色以當平生殊不知
自己光明蓋天蓋地

汾陽昭頌云侍者初心學勝緣辭師擬欲去參禪鳥窠
知是根機熟吹毛當下得心安 真淨文云鳥窠吹布
毛紅日午方高趙王因好劍合國人帶刀 雲居祐云
無風巾巾起波痕碧鬘羅紋正眼觀恰值黃河三浪鏤

那羅延窟見龍蟠 佛眼遠云欲求佛法在南方元大
宗師為舉揚山花滿地雖狼籍一陣風來一陣香

欽山遠禪師因德山侍者來纒作禮師把住云還寸欽山
與麼也無者云某甲却悔久住德山今日無言可對師放
却云一任你祇對者撥開宵云且聽某甲這氣云上師云
德山門下即得這裏用不著者云又響欽山不通人情師
云累他德山眼目參堂去

佛鑑勳云德山醋釀曾喫知酸惡大難酬以德報德只
如這僧恁麼祇對畢竟如何當門不用栽荆棘後代見
孫惹著衣 塗毒策云殺人不用問問人不殺後曾吐氣
彼此孟八直饒有始有終也是有水相潑更識欽山與
這僧曰麻李順王小波直鞵方十三空師囊破襪

洛浦安禪師父為臨濟侍者濟常稱美云臨濟門下一隻
箭誰敢當禪師一日醉濟濟問甚麼處去師云南方云濟
以拄杖劃一劃云過得這箇便去師乃喝濟便打浦作禮
濟明日陞堂云有一條赤梢鯉魚搖頭擺尾向南方云不
知向誰家蓋龜裏淹殺

雲居祐頌云執侍巾箱二十年搖頭擺尾出林泉悠悠
直往南方去蓋龜裏淹來得穩眠

雲門偃禪師問侍者客來將甚麼接待者無對師代云不
尚要在杖頭道

保福長禪師令侍者屈崇壽長老云但獨自來莫帶侍者
來壽云不許帶來爭解離得師云大殺惡愛壽無言師自
代云更謝和尚上足傳示

鼓山晏國師問僧直下猶難會尋言轉見賒若論佛與祖
特地隔天涯你作麼生會僧無語僧後舉問侍者云某甲
不會請侍者代一轉語者云和尚與麼道猶隔天涯在僧
舉似師師喚侍者來問你為新到代語是不若云是師便
打越出院

圓悟勤云這僧承虛接響侍者守住窠窟不遇鼓山國
師驅耕夫牛套飢人食幾乎語難還委悉麼曹溪波浪
如相似無限平人被陸沉

香林遠禪師父為雲門侍者門說法如雲雨絕不喜人記
錄其語見必罵逐云汝口不用及記吾語異日裨販我去
今室中對機錄皆是師以紙為衣隨所聞即書之於紙衣
之中也

洞山聰禪師僧問國師三喚侍者意旨如何師云年老心
孤

汾陽昭禪師嘗謂首座云非父當有異僧至傳持吾道忽
一日率首座遊山座云何往師云接侍者去座云老和尚
顛倒作甚麼師云但去遊山遂步林間果逢慈明至師乃
云此真吾侍者矣即與同歸今造文室一言玄契洞徹心
源執侍巾餅經于一紀

雲蓋本禪師上堂高聲喚侍者者應諾師云大眾集也未
云大眾已集師云那一箇為甚麼不來赴參侍者無語師
云到即不點

永安喜禪師僧問如何是國師三喚侍者師召大德僧應
諾師云鉅根阿師僧云上還有事也無師云汝看虛空

還曾開口麼僧於言下契悟

智門祚禪師僧問國師三喚侍者意旨如何師云憐兒不
覺醜云國師辜負侍者意旨如何師云羹食不中飽人養
云侍者辜負國師意旨如何師云粉骨碎身未足酬
雲峰悅禪師一日謂侍者云汝問訊了一邊立地是甚麼
道理云不會師云過這邊立者便過師云無端無端
圓恆勤禪師在五祖歸侍者寮方半月偶陳提刑解印還
蜀過山問道祖問提刑曾讀小艷詩不詩中有兩句頗相
近頻呼小玉元無事只要檀郎認得聲陳應諾祖云三子
細師道從外來侍立次問祖云和尚舉小艷詩提刑還會
不在云他只認得聲師云只要檀郎認得聲他既認得聲
為甚麼不是祖云如何是祖師西來意庭前柏樹三灣師

忽然大悟趨出見鷄飛上欄干鼓翅而鳴師自謂曰此豈
不是聲即袖香入室通所悟祖云佛祖大事非小枝小葉
所能造詣吾助汝喜遂乃徧謂山口者首宿云我侍者參得
禪了也

圓照本禪師在池州景德懷禪師會為侍者而喜寢喜息
勤勤聞者厭之言於懷懷笑云此子吾家精進種也汝輩
他日當依賴之無多談衆皆驚異之

徑山杲禪師問侍者許多人入室幾人道得著幾人道不
著者云某甲只管看師展手二我手何似佛手者云天寒

且請和尚通袖便行師打一棒云且道是賞你是罰你
三平鼓林示韓文公醜辭 臨濟令侍者問德山醜辭

趙州殿上喚侍者醜辭 趙州云侍者在門外

度侍者問首座先師意規隱

侍者問石梯生滅純真規隱

鹽官喚侍者索塵牛扇規隱

大陽問侍者規隱

寶蓋打漸源侍者規隱

石梯侍者上堂齋規隱

夾山烹茶與侍者規隱

雲蓋在雙泉充侍者規隱

瓦棺在德山為侍者規隱

漸源在道吾為侍者規隱

法屬

鄧隱峰禪師到為山於上座頭解放衣鉢為山聞師衣到
先具威儀下堂內師見來便倒作睡勢為山便歸方丈師
乃發去少間為問侍者師衣在不者云已去也為山去時
有甚麼言語者云無言語為云莫道無言其聲如雷

蕃葉運禪師一日舜百文云欲禮拜馬祖去丈云馬祖已
遷化也師云未審馬祖有甚奇特言句乞師不吝丈遂舉
再參馬祖因緣乃云我當時被大師一喝直得三日耳聾
師不覺縮頭吐舌丈云子已後莫承嗣馬祖麼師云不然
今因和尚得見馬祖大機大用要且不識馬祖若承嗣焉
祖恐已後喪我兒孫丈云先與師齊滅師半德見過於師
方堪傳愛子甚有超師之具

三
鴻山問仰山百丈無參馬祖豎拂因緣此二尊宿意旨如何仰云此是顯大機之用鴻云馬祖出八十四人善知識幾人得大機幾人得大用仰云百丈得大機黃蘗得大用餘者盡是唱導之師鴻云如是如是佛眼透須云家肥生孝子國霸有謀臣拳頭劈口槌未到無兒孫

鴻山祐禪師奕茶次仰山侍立乃問和尚百年後人問先師法道如何傳嗣師云一粥一飯仰云前人不肯又作麼生師云作家師僧仰禮拜師云向後錯舉即不可

佛鑑勸云鴻山嚴而不威仰山恭而無禮遂豎起拄杖云鴻山當時若知有這箇家風兒孫亦不見斷絕大
鴻山云法法令有據仰山將錯就錯遂拈起拄杖云

鴻山若正令全行子孫不到今日 慧海儀云自一及今多少人下語道嚴而不威恭而無禮橫按拄杖豎起拳頭若只恁麼却如何知他父子相契處山僧今日也要諸人共知莫分彼我彼我無殊因魚止滌病鳥棲廬
遂巡不達泥中履爭得先生一卷書

鴻山坐次仰山侍立師云寂子近日宗門中令嗣作麼生仰云大有人疑著此事師云寂子又作麼生仰云某甲只管因來合眼健即坐禪所以未曾說著師云到這田地也難得云據某甲所見處著此一句話亦不得師云為一人也不得云自古聖人盡皆如是師云大有人笑汝與麼祇對云解笑某甲是某甲同參師云西頭作麼生仰云禪林一而師云裂破古今

佛鑑勲云動終別曲葉落知秋自古自今築著碁著鳥
道玄路許他父子親遊若是荆棘林中猶欠悟在以何
為驗只如仰山透禪牀一而為山云袈破古今若是明
眼衲僧瞞他一點不得 南堂靜云佛鑑恁麼拈提灼
然音特當時若是老僧待他纔透禪牀拽拄杖劈脊便
打於此見得許你過却荆棘林其或不然且與馮仰同
參

馮山坐次見仰山從方丈前過師云若是百丈先師子須
喫痛棒始得仰云今日事作麼生師云合取兩片皮有分
云此恩難報師云非子不才乃老僧年邁云今日親見百
丈師翁師云子向甚句中見先師仰云不道見只是無別
師云始終作家

道吾山國智見修好
志

佛鑑勲云馮山搖頭仰山擺尾雖然頭尾相應師資道
合未免養子之緣若欲發明大寂門風直須耳聾三日
隨後一喝 佛眼遠云從上來至百丈有不犯之令馮
山深得其旨能向劍刃上行仰山飲氣扶持且不犯鋒
傷手有般漢祇管行棒下喝還明他不犯之令麼不見
道始終作家諸人每日來去甚麼處見得百丈

道吾智禪師與雲巖同侍藥山次山云智不到處切忌道
著道著即頭角生師便珍重出去巖遂問智師兄為甚麼
不祇對和尚山云我今日背痛是他却會汝去問取巖遂
去問師兄適來為甚不祇對和尚師云我今日頭痛你去
問取和尚後雲巖遷化遣人馳辭書至師覽後云雲巖不
知有悔當時不向伊道然雖如是要且不違藥山之子

悔
恨
久
改
心
心

玄覺云古人與麼道還有也未雲巖當時不會云麼處
是他不會處 奉巖芝云道吾云雲巖不知有悔當時
不向伊說只如與麼道道吾還知有也無
百丈政禪師問南泉諸方善知識還有不說似人底法也
無泉云有師云作麼生是泉云不是心不是佛師云恁麼
即說似人了也泉云某甲即與麼師云師伯作麼生泉云
我又不是善知識爭知有說不說底法師云某甲不會請
師作說泉云我太熟與汝說了傳燈作謂百丈海呼南泉為師伯今依之
大馮詰云百丈只知瞻前不知顧後當時待伊道某甲
不會但云老僧亦不會百丈若下得此一轉語非唯與
南泉為宗匠亦乃與天下人為宗匠
雲竇顯頌云祖佛從來不為人衲僧今古競頭走明鏡

當臺列象殊

一一面南看北斗柄垂無處討拈得鼻

孔失却口

長靈卓云不會誰不會相逢且喫茶不尋

雲水路爭到野僧家

白雲端云涅槃老子順風吹囉

哩哩囉爭得知隔嶺幾多人錯聽一時喚作鷓鴣詞

徑山杲云傾腹傾心說向君不知何故尚沈吟而今便

好猛提取付與世間無事人

長沙岑禪師僧問和尚繼嗣何人師云我無人得繼嗣云

還參學也無師云我自參學云師意如何師有偈云虛空

問萬象萬象蒼虛空誰人親得聞木叉牛角童

洞山价禪師僧問欽亮和尚本來師如何得見師云年涯

相似即無阻矣僧再舉所疑師云不躡前蹤更請一問僧

無差

雲居代云恁麼即某甲不見和尚本來師也 後有或
上座拈問長慶如何是年涯相似者慶云古人恁麼道
皎闍黎又向這裏覓箇甚麼

古靈贊禪師歸受業本師見其語異問云汝得上人法耶
願為吾說師云某甲不敢自護自別和尚參直入大智禪
師上堂云夫靈光洞耀迥脫根塵體露直常不拘文字心
性無染本自圓明但離妄緣即如佛本師忽於言下契
悟泣云吾不能鑒子因子舉法要我乃悟入復報眾云汝
各辦齋命此子敷揚大智法道我欲禮此子為得法之師
我為此子落髮之師齋畢本師陞堂云此是吾弟子得上
人法與我舉揚我乃省悟復有頌云小孩兒小孩兒憶昔
攜囊別我時昔時禮我為和尚我今還禮你為師師云維

然如是頗違世禮請和尚造禮大智為師與示為同參
柝山寂禪師因為山問忽有人問你你作麼生祇對師云
東寺師叔若在某甲不到寂寞為云放你一箇不祇對罪
師云生之與殺只在一言為云不負汝見別有人不肯師
云阿誰為指露柱云是這箇底師云道甚麼為云道甚麼
師云白鼠推遷銀臺不變

睦州蹤禪師因同參師兄來相看與茶次師兄問行脚事
作麼生師恰遇沙彌過茶次便與一搨出這沙彌師兄云
是即是你道我作麼生師云鰕跳不出斗

金峰志禪師問僧發足何處云趙州師云趙州法嗣何人
云南泉師云你何曾離趙州云未審和尚尊意如何師云
趙州實嗣南泉僧至晚請益云今日蒙和尚慈悲某甲未

會乞師指示師云若到諸方莫道後語是金隆底云爲甚
如此師云恐辱他趙州

圓悟勤云這僧雖從趙州來當面蹉却趙州機空使金
隆費許多鉗鎚要且只與趙州相見不干這僧事大衆
還知落處麼分明箭後路

白兆禪師僧問師唱誰家曲宗風嗣阿誰師云自小不曾
歷他家門云與麼則竺乾的子弟白兆兒孫師云承言者
喪滯句者迷

琅邨覺云巧人須得巧人佐拙人須得拙人扶

夾山會禪師僧問如何是本來師師云飲水不迷源

譚空禪師因寶壽問除却中上二根人來時師兄作麼生
師云汝適來舉且錯也壽云師兄也不得無過師云汝却

與我作師兄壽側掌云這老賊

雲山禪師見僧到來纔起身僧便出去師云得與麼劍利

僧便喝云作這箇眼目法嗣臨濟也大屈哉師云且坐聞

教善傳僧回首師云作這箇眼目錯判諸方名言便打

圓悟勤云點頭來老子報也似不耐事要且一拳還一

拳一踢還一踢却是箇臨濟下宗風至於夫後重天

下人舌頭不妨峭措會麼杖頭篋著活衲僧正法眼藏

增高價大瀉智云得人一牛還人一馬一住一來君

子所爲也若要扶堅臨濟正宗須是如是活變纔始得

猶是有功之功更有無功之功良久喝一喝

興化獎禪師云此一炷香擬欲承嗣三聖三聖真我孤

嶽承嗣大覺大覺與我大賒此一炷香不如承嗣臨濟

先師

琅琊覺云且道因甚承嗣臨濟良久云路逢劍客須呈劍不是詩人莫獻詩

芙蓉訓禪師一日訪同參實性大師性乃陞堂以右手拈拄杖倚左邊良久云此事老不是芙蓉師只入裏面隱便下座

黃龍南云實性用不得便休却將佛法以爲人情致令千載之下與人作笑端且道利害在其麼處 南堂靜云南堂今日有條攀條無條攀列不拈拄杖倚左邊云若非正法師弟亦大難悉悉或有箇出來道久響南堂爲甚麼依樣畫貓兒只向道待我計校得成即與你說雙峰禪師因仰山問師弟近日見處如何師云據其申見

夏實無一法可當情仰云汝解猶在境師云某甲只如此師兄又如何仰云汝豈無能知無一法可當情者馮山聞云寂子一句疑殺天下人

大瀉詰云前箭猶輕後箭深無限平人被陸沉 淨泉岳云解用不須雙刃劍延齡何必九還丹

龍牙道禪師云空居師兄得第二句我得第一句

西院云祇如龍牙與麼道還扶得也無雲門云須禮拜雲石始得西院云傍觀者哂 應庵堇云龍牙若非西

院當頭坐斷幾乎打破蔡州雲門冷處著把火義出曹年光孝過祀彌天一任諸方檢點

幽州傳法禪師僧問別人爲甚麼徒弟多師爲甚麼無徒弟師云海島龍多隱茅茨鳳不棲

法眼益禪師出世後長慶會下有二昭首座平昔與師南
確古今心中憤憤一日領衆到責問於師師舉衆出迎特
加禮待主賓位上各掛拂子茶罷昭變色問云長老開堂
的嗣何人師云地藏昭云何太辜長慶先師某由同在座
下高確古今曾無間隔因何却嗣地藏師云其不會長慶
一則因緣昭云何不問來師云長慶道萬象之中獨露身
作麼生昭堅起拂子師叱云首座此是當生學得底別作
麼生昭無對師云只如萬象之中獨露身是撥萬象不撥
萬象昭云不撥師云兩箇參隨連聲救云撥萬象師云萬
象之中獨露身豈昭等懽懽而退師指住云首座殺父殺
母猶通懺悔誇大般若誠難懺悔昭竟不能對於是參師
發明已見更不開堂

天童覺頌云離念見佛破塵出經現成家法誰立門庭
月逐舟行江練淨春隨草上燒痕青撥不撥聽叮嚀三
徑就荒歸便得舊時松菊尚芳馨

海會舉禮師到琅琊問上座近離甚麼處師云浙江云
船來陸來師云船來云船在甚麼處師云步下云不涉程途
一句作麼生道師云杜撰長老如麻似粟便下去琅琊乃
問侍者此是甚麼人者云舉上座瑯琊云莫是舉師麼當
時先師教我尋見伊遂親下堂問上座莫便是舉師麼莫
恠某甲適來相觸忤師便唱復問長老甚時到汾州瑯云
恠時師云我在浙江早聞你名元來見解祇如此何得恠
播寰海琅琊乃作禮

海印信頌云漁翁蕭灑任東西盧管橫吹和不齊夜靜

月明魚不食扁舟卧入武陵溪 鼓山珪云官路無人
獨自行兩家公驗甚分明陸倕偷取私蓋客章裏躡身
過一生 徑山果云奪得驪珠即便回小根魔子盡疑
猜拏來拋向洪波裏撒王大家歸去來

浮山遠禪師偈問師唱誰家曲宗風嗣阿誰師云八十翁
翁輟繡卷云恁麼則一句迥然開祖胄三玄文甲振叢林
師云本李陵元是漢朝臣

投子言拈云水深魚穩葉落巢疎復頌月裏無根草山
前枯木花鴈回沙塞後枯枝落誰家

浮山云昨日拈香擬爲汾陽和尚又緣辜他葉縣老人既
爲葉縣老人又乃辜他汾陽和尚然雖如是客不煩兩
王一鳥不棲二林於此二途須至一決何故成山假就於

始篲脩途託至於初步如斯更不向汾陽浪裏競棹孤舟
却向汝海枯木上生花別迎春色

投子青禪師問師唱誰家曲宗風嗣阿誰師云威音前
一箭射透兩重山云如何是相付底事師云金因淮地月
得照鄧陽春云恁麼則入水見長人師云祇知荆玉異那
辨楚王心隨後以拂子敲禪牀

丹霞淳頌云珊瑚枝上玉花開風迺清香遍九垓勿謂
乾坤成委曲韶陽曾見睦州來

楊岐會禪師在筠州九峰受楊岐請陞堂下座時九峰勤
禪師把住師云今日喜得箇同參師云作麼生是同參底
事勤云九峰牽犁楊岐拽耙師云正恁麼時楊岐在前九
峰在前勤擬議師托開云將謂同參元來不是

保寧勇代擬議處云臨行之際更莫怛怛便掌

上方益頌云一拽杷二牽犁平田淺地且相隨恰到飢
時無草料放開頭角便東西老楊岐老楊岐盡道從來
解弄蹄

天寧楷禪師僧問師唱誰家曲宗風嗣阿誰師云金鳳夜
棲無影樹峰巒繞露海雲遮

丹霞淳頌云等閑應問豈安排一句全提隱顯該溥霧
依依籠古徑孤峰終不露崔嵬

慈明圓禪師謁神鼎諍禪師諍望尊一時衲子非人類精
竒無敢登其門師髮長不剃弊衣楚音通稱法姪一衆大
笑諍遣童子問長老誰之嗣師仰視屋云親見汾陽來諍
杖而出顧見頷然問云汾州有西河獅子是不師指其後

絕叫云屋倒矣童子返走諍回顧相矍鑠師地坐脫隻履
而視之諍老忘所問又失師所在師徐起整衣且行且語
云見面不如聞名遂去諍遣人追之不可乃嘆云汾州乃
有此兒耶

法昌遇禪師因茶首座住禪林訪師師云見說你為黃龍
燒香是不恭云不敢師云我聞龍生龍子須是解與雲致
雨始得茶云但隨家豐儉師云你未拈香早鈍置黃龍了
也云和尚且莫多口師云你且道黃龍實頭事作麼生茶
提起坐具師乃喚行者為我過坐具來行者提在手中師
便打云他時後日也道見老僧來

法昌因秀維那問承聞和尚久止浮山屢來與化為甚法
嗣北禪師云瘥病不假驢馳藥云傷驚怒龜不兇傍觀師

云將謂無人檢點乃拈拄杖云且道這管從甚處得來云
這老漢敗闕也不知師云不是任公子徒勞話釣竿
九峰韶禪師僧問承聞和尚是泐潭嫡子是不師云是云
還記得當時得力句麼師云記得云請舉看師云左手握
拳右手把筆

楊提刑問楊岐法嗣

見宰臣門

興化打同參

觀門

清涼先師不了公案

峴門

僧疑大覺是臨濟親故

辨門

仰山因三聖云有師

觀門

大陽以衣寄浮山求嗣

觀門

西院訪同參南院

觀門

陳操尚書問同參

見宰臣門

萬歲訪同參保壽

聖門

玄沙問光侍者打鐵船

觀門

尼女

世尊九十日在忉利天為母說法及辭天界下時四眾入
部俱往空界迎接有蓮華色比丘尼作念云我是尼身必
居大僧後見佛不如用神力變作轉輪聖王千子圍遶最
初見佛果滿其願世尊纔見乃呵云蓮華色比丘尼何得
越大僧見吾汝雖見吾色身且不見吾法身須菩提巖中
宴坐却見吾法身

天衣懷云蓮華色比丘尼被熱謾且致還知瞿曇性命
在別人手裏麼

文殊師利在靈山會上諸佛集處見一女子近佛而坐入
於三昧文殊白佛言云何此女得近佛坐佛云汝但覺此
女令從三昧起汝自問之文殊遶女子三匝鳴指一下乃

至托上梵天盡其神力而不能出佛云假使百千文殊亦
出此女定不得下方過四十二恒沙國土有罔明菩薩能
出此女定須臾罔明從地涌出作禮佛前佛勅出此女定
罔明即於女子前鳴指一下女子於是從定而出此本
翠巖之云僧投寺裏宿賊打不防家 五雲云不唯文
殊不能出此定但恐如來也出此定不得祇如教意怎
生體解 夾山齡云這公案無不委知文殊為甚出不
得罔明為甚出得諸人儻具奔流度刃底眼非但見這
一隊漢敗闕乃至河沙佛祖出來也被作家覷破其或
青黃不辨邪正不分祇管去覓女子出定玄沙道底
天童覺云若定若動當變弄鴻毛輕而不輕太山重
而非重還知老瞿墨鼻孔在我手裏麼

天衣懷頌云文殊托上梵天罔明輕輕彈指女子黃面
瞿墨看他一倒一起 雲蓋智云獨坐靈山誰得知罔
明出定破羣迷如今四海皆通達信道無心總不疑
寶峰照云拂拭瑤琴月下彈調高雪曲和還難五侯費
盡平生志從此詩書懶更看 圓覺演云二菩薩出定
笑殺老禪和富嫌千口少貧恨一身多 白楊順云文
殊出不得罔明却出得叵耐這冤家冷地裏作賊
世尊因七賢女遊屍陀林一女指屍謂諸姊云死在這裏
人向甚處去中有一姊云作麼作麼諸姊諦觀各各契悟
感帝釋散花云唯願聖姊有何所須我當終身供給女云
我家四事七珍悉皆具足唯要三般物一要無根樹子一
株二要無陰陽地一片三要叫不響山谷一所帝釋云一

切所須我悉有之若三般物我實無得女云汝若無此爭
解濟人帝釋遂同往白佛佛言憍尸迦我諸弟子六阿羅
漢悉皆不解此義唯有諸大菩薩乃解此義

佛慧泉頌云寒林裏忽逢伊帝釋行檀恨已遲三物索
來何處有却令諸姊皺雙眉憍尸迦知不知更獻天花
三兩枝 佛燈珣云帝子遊春不逐歌相邀諸姊入屍
陀死人堆裏出身路撥動煙塵見也麼劄利漢不消多
回頭踏著自家底洞雲深處舊煙蘿 龍牙才云屍在
此兮人何在疾雷破山風振海雲飛雨散相見時鬪體
眼睛放光彩

昔城東有一老母與佛同生而不欲見佛每見佛來即便
迴避雖然如此回顧東西總皆是佛遂以手掩面於十指

掌中亦總是佛

雪竇顯云諸上座他雖是箇老婆宛有丈夫之作既知
迴避稍難不免吞聲飲氣如今不欲見佛即許你切忌
以手掩面何故明眼底觀著將謂雪竇門下教你學老
婆禪

舍利弗因入城遙見月上女出城舍利弗心口思惟此姊
見佛不知得忍不得忍我當問之纔近便問甚麼處去女
云如舍利弗與麼去弗云我纔入城爾當出城云何言如
舍利弗與麼去女云諸佛弟子中當住何所弗云諸佛弟
子依大涅槃而生女云諸佛弟子既依涅槃而生我如舍
利弗與麼去

大瀉詰云一人入城一人出城何言如舍利弗與麼去

若人知得舍利弗月上女二人去處十二時中勤轉施
為無非住諸佛大涅槃若也未知業識茫茫無本可據
清涼和云一出入何云同去會麼拈起拄杖云舍利
弗月上女盡在山僧拄杖頭上若也會得去路無差其
或不然一任出入

圓悟勤頌云本來正體徹根源出入同途只此門已住
如來大解脫掌中至寶耀乾坤 佛慧泉云淡籠煙深
鎖霧鷲子寧知此條路直饒撞入涅槃門未免隨他與
麼去月上女實堪悲愛將青黛畫蛾眉 佛燈珣云涅
槃一路同來往寸步寧虧達本鄉鷲子點兒輕借便猶
如癡子喫生薑月上女太無良不塗紅粉自風光金鎖
玄關留不住百尺竿頭信脚行

文殊大士問菴提遮女生以何為義女云生以不生生為
生義殊云如何是生以不生生為生義女云若能明知地
水火風四緣未曾自得有所和合而能隨其所宜是為生
義殊云死以何為義女云死以不死死為死義殊云如何
是死以不死死為死義女云若能明知地水火風四緣未
曾自得有所離散而能隨其所宜是為死義

佛性泰頌云生無所生死無所死風動塵飛波澄浪止
和合離散隨緣發現滿月彎弓雙鷗一箭 南堂靜云
生以不生生為生指天指地四方行死以不死死為死
雙林樹下亦如此生不生死不死四十九年無一字掣
斷金鎖天麒麟突出金毛獅子子

舍利弗因問天女汝何不轉却女身女云我從十二年來

求女人相了不可得當何所轉即時天女以神通力變舍利弗令如天女不自化身如舍利弗而問云汝何不轉却女身舍利弗言我今不知何轉而變為女身

白雲端代云吾不如汝

菴婆提女問文殊云明知生是不生之法為甚麼却被生死之所流文殊云其力未充中名言異大同

後進山主問修山主明知生是不生之法為甚麼被生死之所流修云苟畢竟成竹去如今作篋使得麼進云

汝向後自悟去在修云某甲所見祇如此上座意旨如

何進云這箇監院房那箇是典座房修乃禮謝

正覺逆頌云進老分明到五臺修師真箇入闍來維那院主門相對說著令交兩眼開

浮盃禪師因凌行婆來作禮問盡力道不得底句分付阿誰師云浮盃無剩語婆云未到浮盃不妨疑著師云別有長處不妨拈出婆歛手哭云蒼天中間更有冤苦師無語婆云語不知偏正理不知倒邪為人即禍生後有僧舉似南泉泉云苦哉浮盃被這老婆摧折一上婆聞笑云二老師猶少機關在時有幽州澄一禪客乃問婆南泉為甚少機關婆哭云可悲可痛一罔措婆云會麼一合掌而立婆云伎死禪和如麻似粟後澄一舉似趙州州云我若見這臭婆問教口瘡一云未審和尚怎生問他州便打一云為甚却打某甲州云似這伎死禪和不打更待何時婆聞却云趙州合喫婆手中棒州聞哭云可悲可痛婆聞乃嘆云趙州眼光爍破四天下州聞令人去問如何是趙州眼婆

乃堅起奉州聞乃作須送云當機觀面提觀面當機疾報
你凌行婆哭聲何得失婆答云哭聲師已曉已曉復誰知
當時摩竭今幾喪目前機

佛鑑勸云浮孟南泉趙州三人老將一人埋兵掉闔一
人坐籌帷幄一人陷虎之機埋兵掉闔堪作踏白先鋒
坐籌帷幄堪作中軍招討陷虎之機堪作殿後將軍澄
一禪客只解傳言送語這邊那邊漏泄兵機教這三箇
老漢布長蛇陣圍却凌行婆爭奈婆子有出身一路走
到無生國裏諸人即今要見婆子也無若見得不捺紅
粉也風流其或未然諸人明日各添一歲

凌行婆來夾髮髻云憶得在絳州時事麼婆云非師不
委髻云多虛少實在婆云有甚諱處髻云念你是女人放

你拄杖婆云某甲終不見尊宿過髻云老僧過在甚處婆
云和尚無過婆豈有過耶髻云無過底人作麼生過堅走
拳云與麼總成顛倒髻云實無諱處

佛鑑勸云長髻口甜婆子心切口甜則言中有響心切
則句裏藏鋒直饒心口相應未免傍觀者哂

趙州詒禪師因五臺山下有一婆子接待凡有僧問臺山
路向甚處去婆云驀直去僧纔行三五步婆云好箇師僧
又恁麼去後有僧舉似師師云待我去為勘過這婆子明
日師便去亦如是問婆亦如是對師歸乃陞堂為眾云臺
山婆子我為勘破了也

玄覺云前來僧也與麼問答後來趙州也與麼問答且
道甚處是勘破處又云非唯被趙州勘破亦被這僧勘

破 琅琊覺云大小趙州去這婆子至裏喪身失命雖
然如是錯會者多 大瀉詰云天下衲僧只知問路老
婆要且不知脚下泥深若非趙州老人爭顯汗馬功高
禾山方云一人從苗辨地一人臨崖不悚諸人要識趙
州麼良久云鬧市裏虎

慈明圓頌云趙州勘破婆子葉落便合知秋天下幾多
禪客五湖四海悠悠 黃龍南云傑出叢林是趙州老
婆勘破有來由而今四海清如鏡行人莫與路為僻
淨照臻云趙州勘破老婆禪語默分明在目前近日五
湖參學者剛於岐路走如煙 少林通云趙州勘破語
難過無限平人走似梭日暮臺山空寂寂至今猶未絕
諸訛 雲蓋昌云臺山路上老婆禪暮直教人好進前

賴得趙州親勘破從茲四海路平然

趙州問一婆子甚麼處去云偷趙州笋去師云忽遇趙州
又作麼生婆子便與師一掌師休去

雪竇顯云好掌更下兩掌也無勘處 五祖演云趙州
休去不知衆中作麼生商量白雲也要露箇消息貴要
衆人共知婆子雖行正令一生不了趙州被打兩掌豈
斷牙關婆子可謂去路一身輕似葉趙州高 千古重
如山

何 趙州導頌云趙州笋被婆偷遭擗如何肯便休合出手
有佛性也無州抽頭處且抽頭 海印信云彎弓直勢射
但一切時一切處 最長雖是貪他一粒米誰知失却半
宜較看經專一體究 趙州老捉箇賊當箇勘渠返遭一擗

破 琅琊覺云天下衲僧知幾幾 無盡居士云趙州
然如是錯會者多難陀盡皺眉却被老婆揮一掌從來
婆要且不知 佛鑑勸云從來柔弱勝剛強捉賊分明

已見賊當下被他揮一掌猶如瘧子與生薑
州因尼問如何是密密意師於尼腕上掐一搥尼云和
猶有這箇在師云你猶有這箇在

五祖演云此尼若是箇人但向他道也放和尚不得
趙州因一婆子問婆是五障之身如何免得師云願一切
人生天願婆婆永沉苦海

州因行路次見一婆子問和尚住在甚處師云趙州
院西邊無語師歸舉向僧云你道使那箇西字一僧云
鬼野上一僧云依棲字師云汝兩人總作得蓋鐵判官僧

吳末山師云不露頂云如何是佛法大意 下得一轉語即
乃嗚云何不變去師云不云汝不見道尊 大喜遂歸

雪峰有作圍頭三載 歌能舞時如何師便老商量趙
無高 於禪老澗眼跟夫著也 在師云子作甚麼曾云
撫 與麼去也師 放過一著學一還知天下衲

目僧出這婆子纏續不得麼曾云這裏別有箇道處趙州若
不勘破婆子 生受屈師云勘破了也

國大夫入常看經因問開善謙禪師大慧和尚尋常如
何教人參禪師云令人屏去雜事唯看僧問趙州狗子還
有佛性也無州云無又僧問雲門如何是佛門云乾屎橛
但一切時一切處頻頻提撕看以悟為則國太欲辦此事
宜觀看經專一體究始得國太依教未月餘俄有省作偈

云逐日看經文如逢舊識人勿言頻有礙一舉一回新

婆子入趙州僧堂見婆子送錢請大隋轉藏見

尼至俱胝處見尼無盡藏問六祖經義見

婆子燒庵見廣德云女子未嫁見

婆子請投子見四祖訪者比丘尼見

婆子因尼能奪鉢見婆子問臨濟大無厭見

七六德入承天談齋見閩帥夫人送衣與長慶見

趙州婆子經院婆是五門見麻谷入婆店喫茶見

人信見問和尚住在甚麼處見

粥罷父哥不變云見曾云你道使那箇子見

擊鼓云和尚比見六波兩人總作見

霍山通禪師因行者問如何是佛法大意師乃禮拜行者

云和尚為甚麼禮俗人師云汝不見道尊重弟子

雪峰有禪師僧問牧童能歌能舞時如何師便下繩牀作

舞玄沙云這老漢脚跟夫著地在師云子又作麼生沙乃

撫掌三下

卧龍禪師僧問去却僕從便請相見師云眨上眉毛看云

不與麼時如何師云山北去也

圓悟勤云擊石火中閃雷光裏有權有實有卷有舒不

妨俊快要且黏皮著骨若具蔣山則不然忽有人問云

却僕從請師相見只向道喫茶去

新建禪師不度小師有僧問和尚年老何不畜一箇子孫

奉師云有聲響者為吾計來

神山密禪師有行者問生死事乞師一言師云汝何時生
死去來云某甲不會請師說師云不會須死一場云
白水仁禪師因洪州西山衆行者來禮拜問云公言不為
別事乞師指示師云汝諸人未指示即二公言師云汝我受
付阿誰

鏡清住禪師因僧引一童子到云此兒子常愛問僧佛法
請和尚驗看師乃令點茶童子點茶來師喫了過盃與之
童子交接師却縮手云還道得麼子云問將來從容僧問
此童子見解如何師云祇是一生兩生持戒僧

法華亦將來更別云和尚更喫茶不
鏡清住庵時有一行者至徐徐道繩牀取拂子提起問某
甲定喚這箇作拂子庵主喚作甚麼師云不可更云名立

字也行者乃擲却拂子云著甚死急

明初代云敢死端氣

葉縣省禪師僧問雪山童子捨身為求諸行此行如何師
云掉臂衝頭走仰面看青天云恁麼則迷人云著向城路
也師云此人入地獄萬劫出應難

龍蓋照禪師僧問草童能歌舞未審今時還有無師下座
作舞云少彌會麼云不會師云山僧躍曲云也不會

有僧與一童子上經了今持經甚有函四二童子云某甲念底
著向那裏僧無言

法燈欽代云汝念甚麼經

忠國師座童子頂觀摩
行者問大珠即心即佛觀摩
勝尊者作童子時觀心
行者問霍山佛法大意觀心

均提童子送無著觀門

甘誓問僧馮山西來意觀門

甘誓見雪峰來閉門見門

六祖在黃梅書偈傳衣觀門

法眼問童子爺名觀門

甘誓入南泉齋僧見頭

明一座赴盧行者觀眼

十八祖童時見十七祖觀門

巖頭在甘誓家把針觀門

童子開主獻珠見珍

十七祖問童子風鈴見法

睦州喚童子取冬瓜頭見器

忠國師問童子章觀門

古寺行者盛粥觀門

甘誓入南泉設粥觀門

禪林類聚卷第九

泰興縣禪林禪寺住持嗣祖比丘法宗施中統鈔壹錠

孤山禪寺住持嗣祖比丘法涇施中統鈔壹錠

110X
7
19